



Protocoll dalla radunonza generala dils 17-03-2019

Datum: 17-03-19
Temps: 17 uras
Liug: Kiesfang, Vilters

1. Beinvegni ed appell

Il president Rinaldo Caduff beneventa ils commembers e las commembras dall'uniun cun in pèr plaids sympatics. El menziuna che la canzun romontscha ei in impurtont motiv da noss'uniun, perquei havein nus era entschiet nossa sentupada dad oz cun ina tala. Il star da cumpignia duei era esser el center da noss'uniun, perquei vul il president era buc piarder memia bia plaids. El numna in pèr interessants motivs daco ch'ils presents han suandau igl invit questa sera sco p.ex. dad ir puspei inagada en sortida cun la dunna, da mirar ad ella profund els egl, d'anflar novas amicezias e da guder ina buna tscheina.

Il president fa in special beinvegni al president d'onur Venanzi Casanova, al dirigent d'onur Eugen Casanova, als commembers d'onur Fidelia Staub, Jolanda Kohler, Cornelia Bigger, Amadeus Muoth e Venanzi Casanova. Era ilss hosps specials Johannes Flury, president dalla Lia Rumantscha e la giornalista Claudia Cadruvi che scriva in pèr plaids sur da nossa radunonza per la Quotidiana vegnan beinvegni cordial. Grond engraziament a tuts quels.

Seperstgisai: Valentin Vinzens, Carin Deplazes, Mathilda Kohler, Ursula Venini, Mirjam Bärtsch, Marcel Bärtsch, Imelda Friberg, Irenäus Friberg, Hans Pfister, Silvia Pfister

Tuts han survegniu igl invit e la gliesta da tractandas.

Commembers presents: 52, quei dat in pli absolut da 27 vuschs

2. Elecziun dils dumbravuschs

Elegi unanimamein ein Toni Valaulta, Baseli Collenberg e Gaudenzia Kalberer.

3. Protocoll dalla radunonza generala 2018 a Sargans

Tuts han survegniu il protocoll dil 2018 ensemen cugl invit, aschia che nus schein da leger avon il tal. Il president fa la damonda tgi che vul approbar il protocoll dil 2018 che nies anteriur actuar Eugen ha scret ? El vegn acceptaus cun in grond applaus.

Eugen ha fatg ina massa protocols e nus engraziein per tuts e pil davos.

4. Pareri

A dal president

Tuts han survegniu il pareri dil president per posta. Il president arva la discussiun sur dil tal. Meinrad fa in grond compliment per il pareri ed era il vice-president Retus Spescha anfla plaids ludonds.

B dal dirigent

Eugen Casanova legia avon il pareri.



Il 2018 ei staus il 32avel onn dil chor, ils cantadurs ein stai en differentas casas da scola per las emprovas cun quei che la casa pervenda ei vegnida baghegiada entuorn. Ils 18 da mars ha il chor cantau per la radunonza generala, ils 14 da zercladur ha giu liug il concert annual, ils 17 da zercladur ei vegniu cantau egl asil da vegls, ils 27 d'october ha il chor cantau per Johannes Schlegel ina serrenada, ils 7 da november ha el cantau ella canorta a Buchs, ils 8 da december tier Retus Spescha ed ils 30 da december ha il chor cantau sut la bitgeta da Monika Arpagaus per Hans Pfister. El december, schaner e fevrer havein nus astgau beneventar novAs cantadurAs: Sonja Pinggera, Sandra Carisch, Lea Killias, Mirjam Bärtsch, Roman Cathomas, Luisa e Christian Raffainer. Margrith Ammann ha calau.

El schaner ha ei dau ina viseta da Heinz Wurster per direger e Sandra Carisch ha inagada surpriu il precant.

Il chor dumbra pil mument 16 sopran, 12 alt, 7 tenor, 7 bass, quei dat in diember da 42 cantadurAs.

Il concert d'uonn vegn ad haver liug cun ina gruppa da musicants.

5. Rendaquen da cassier...

Retus Spescha surpen il plaid e declara il suandont:

Tuts han survegniu las cefras per posta. Retus declara nossa bilanza, ei da dau in augment da facultad da CHF 2076.50. Nus havein retschert el 2018 in pèr donnaziuns pervia dil mortori dalla Dorli Straub, en quei connex ha ei denton dau in sbagli tier las donnaziuns, sil fegl tarmess eis ei scret CHF 40 enstagl da CHF 640.-.

...e revisurs

Lucas surpren il plaid e declara:

Uonn para tut empau auter, outra glied, outra stiva, in auter puschegn ed in auter liug. Zatgei seigi denton tuttina stau tuttina, la suprastonza nova fetschi sco tochen da cheu fetg buna lavur. Quei marschi sco dad esser unschiu, la midada seigi gartegiada e vida Eugen sentien ins buc ch'el seigi vegnius pli vegls. La cassiera para pulit masculina, mo Retus fa sia lavur schuber ed exact e tut ei avon maun.

Revisur e revisura han las propostas: ei seigi engraziu cun grond applaus all'entira suprastonza ed als dirigents ed ei siegi da dar dechargement al cassier Retus cun alzar il maun. Quei vegn fatg unanimamein.

6. Mutaziuns e honoraziuns

Dorli Straub ei morta el november ella vegliadetgna da 87 onns. Il president supplichescha da star in mument quiet per memoria a Dorli.

14 commembers ein extrai ord l'uniun muort vegliadetgna ni perquei ch'els han midau casa, ei ha dau 11 commembers novs aschia che l'uniun dumbra ussa 93 commembers.

Honoraziuns:

20 onns

Jolanda Kohler, Rita Gort

25 onns

Margrith Ammann (extrada uonn), Genny Eggimann e Monica Lang



35 onns

Clau Flury, Imelda Friberg ed Irenäus Friberg

40 onns

Venanzi Casanova, Erica Casanova e Lucrezia Heini-Camenisch

45 onns

Eugen Casanova

Engraziel fetg per vossa fideivladad!

7. Activitads 2018/19

Retrospectiva:

- Viandada sil Flumserberg, ei ha semuossau che negin ei memia giuvens ni memia vegls, tuts ein stai da buna luna e quella excursiun ha fatg plascher a tut ils participons
- Cuors da cuschinar, stau legher, grond engraziament a Retus per sia lavur
- Differentas rosinas musicalas, grond engraziament per la lavur ad Eugen ed Amadeus
- Via da chistognas a Murg, ina loscha truppa, stau fetg interessant ed ils capuns ein stai grondius
- Exposiziun d'uniuns a Mels, stau grev da vegnir en contact cun la gliעד
- Lotto sco mintg'onn, 47 persunas, giuven e vegl, dau ina buna suppa da giutta
- Sentupada d'univern sil Pizol, ils giuvens ein i vieti cun skis, auters han gudio il sulegl sin terrassa dall'ustria, igl ei stau bellezi'aura e suenter gentar a enqualin gudio in „Schnee-Töff“

Activitads che suondan:

- Cuors da cuschinar, la cuschina cuosta CHF 50.- per tuttas 4 seras, perquei ha quei liug ad Unterterzen. Ei vegn cuschinar tratgas internaziunalas ord la Spagna, Italia, Norvega, Asia ed Ungaria. Ei ha aunc 2-3 plaz.
- Viandada da stad sil Lanaberg, Toni metta avon quella, igl ei dad ir ca. 40 min ni 1 ura a pei
- Concert chor maschda, 16 da zercladur
- Sera da grill tier Rinaldo ils 1-7-19
- Viadi ell'Engiadina egl uost denter ils 1.-18.8. a Zuoz

In pign excuors da Johannes Flury pertuccond la Lia Rumantscha e l'excursiun a Zuoz:

Ils daners che la Lia Rumantscha retscheiva va tuts a favur dils Grischunes. La finamira eis ei da survegnir el futur da Berna daners special per la diaspora Rumantscha. Per che nus sappien dumandar la Lia per in sustegn eis ei bien dad haver zatgei concret ch'els san sustener. La Lia Rumantscha era pli bauld plitost zatgei per magisters e reverendars, oz eis ei denton in'unioni per tutta gliעד. Las fiastas a Zuoz duein esser ina caschun per vegnir vinavon, ils Rumantschs vulan muossar alla Svira ch'il Rumantsch vegn buc ad esser morts en 100 onns. Il teater traidischin vegn muossaus sco musical duront las entiras festivitads. Ils 4.8. ha liug in di da famiglia cun Linard Bardill, ils 11.8. ei il Grischun tema ed ils 18.8. dat ei ina gronda fiasta, in ball. La prevendita entscheiva el matg, ils cuosts vegnan ad esser CHF 45.- incl. auto da posta e viafier retica. Johannes Flury havess plascher sche tut ils cantuns Svizers dessan ina contribuziun, tochen ussa ha ei 16 cantuns che han susteniu il project, els ein pia sin buna via.

- Ei vegn cuort discussiunau cu nus lein ir a Zuoz. Ina dumengia fuss ideal pervia dil teater, nus lein empruar dad organiser quella excursiun ils 11.8.
- Viseta vinicultura cun ina prelecziun ni in referat
- Viseta RTR egl october 19
- Viseta musical – en 80 dis entuorn il mund
- Sera rumantscha cun lotto ils 29.11.19
- Canorta Rumantscha a Buchs el december respectiv mintga 15 dis, adina in tema cun in moderatur



Per organisar asch'ina massa occurenzas ei la suprastanza fetg leda d'agid. El 2018 han specialmein Elisabeth, Jolanda e Fidelia susteniu nus bein, engraziel zun fetg per quei!

8. Contribuziun annuala

La suprastanza ei persunter da tschentar la contribuziun annuala sin CHF 60.-. Quei vegn acceptau unanimamein.

9. Varia

Nus havein ina biala pagina d'internet www.reziabassa.ch, quella dat denton era pulit bia lavur dad adina tener actual. Sche zatgi ha interess da segidar cun tgirar nossa pagina duei el dispet s'annunziar tier la suprastanza.

La suprastanza dat breigia da far las lavurs en uorden, ella ei denton era aviarta per critica. Nus essan pia fetg leds sche vus essas sincers e deis part sche zatgei plai buc. Forsa savein nus lu adattar zatgei.

Il president dat il plaid als commembers. Ei dat dus cuorts votums da:

Sandra : Ella ha udiu che noss'uniun ha era schon ponderau da prender part alla fiasta da vin el Signeradi Grischun e propona perquei da collaborar cun RTR, SRG SSR ni la Lia Rumantscha. Nus savessan far ensemen ina meisa romontscha.

Lea: Brigitta Paulin scriva husli a mintga commember ina carta da natalezi. Grond engraziament per quella lavur.

Per finir engrazia il president a tuts per l'attenziun e giavischa in bien retuorn a casa.

L'actuara Lea,

mars 2019